

ասեն ևս սպահան առաւ. նմանապէս ևս լէկզին զբազում զիւզս և զգաւառս պարսից աւերեաց և զբազում հայս ի սուր սուսերի մաշեաց: (Գարբիել վ. Թեօդուպոլսեցի առ Մխիթար Արքանայր, թուիև 1722. օգս. 26 [տեղի?]):

դ.

Սամաթիայու սուրբ Գէորգայ ժամն սկսան շինել՝ որ մինչև կատարի, 100 քօակ հազիւ բաւականանայ ասեն. և այսու եղև վեց ժամ շինեցեալ հրամանաւ այս վէզիրիս. այսինքն աստուածածնայ, լուսաւորչին, պալատու, սուրբ Գէորգայ, Թօփղափոյուն, դատքքէօյին. վասն ամենեցուն զնաց ասեն մինչ 300 տօրպակ ստակ. և յամենեցուն առնուն զգրամս կամայ և ակամայ¹: (Պ. վ. Տայի սխմօնեան առ Մխ. Արքայ, թուոյն քրիստոսի 1722. յունվարի 13. ի Ղարսեայ):

ե.

Գէորգ վ. ի Թոխաթ էր մինչև ցա(յ)ժմ (բայց անընդունակ յուղղափառաց), զի հայք զնա մեծաւ աղաչանօք տարան ի վանքն նորաչէն, և անդ եկաց ժամանակ ինչ, ի մերձակայ աւուրս այլազգիքն այրեցին զվանքն (քանզի ի շինեցմանէն մինչև ցայս վայր պահէին զոխս, նաև կամէին քակտել զՊազարճուխի և Սուրբ Քառասնից ժամն, բայց բազում փողով հազիւ զերծուցին, և հայքն երկու և երեք օր գոճեցին զկրպակսն և զեկեղեցիսն, իբր թէ կամին առնու(լ) զվրէժս ի տաճկաց, և այնորիկ անմտացան զի վերստին կամին շինել զվանքն: (Փ. վ. առ Մխիթար Արքանայր. 1723, Սեպտ. 11 [տեղի?]):

զ.

Յարևելից կողմանէ յայտնի ոչ ինչ լուր գոյ. սուս է օրթալին. բայց ի ծածուկ ասեն թէ պատերազմ ի վերայ սղնաղին հայոց է. ասեն թէ վայրագոյն և փոքրագոյն մասն սղնախին հնազանդեալ են այսու պայմանաւ տալով զհարկ, բայց ոչ գոլով ի մէջ ինքեանց թուրք, յետոյ 6000 թուրք թողեալ են որպէս պաշտպան զի մի մնասիցին յայլոց. բայց զկնի ոմանց աւուրց ձեռք ձգեալ են առ ի կողոպտել զինչս, զորդիս և զկանայս, յետոյ կսկծեալ սիրտն հայոց յանկարծ յառեալ սրակոտոր արարեալ են զբնաւս տաճկունս և փախեալ ի մեծ սղնախն. վասն այսորիկ վեց փաշայ թային եղեալ է գնալ ի վերայ նոցա: (Հ. Միքայել վ. Անքաստացի առ Մխիթար Արքանայր. 1726 Յունիս 1, Կոստանդնուպոլիս):

է.

Եւս ընդ վերապատուեցելոյ Տէր Յակոբին առաքեաց գերագոյն Հայրութեան ձերոյ (Ստեփանոս վ. ն յԱլիկոունեայ) 60 հատ սրբոյ Լուսաւորչայ միտալ. ևս մին հատ արծաթեայ: (Պաղտատար քանանայ Տիգրանակերտեան առ Մխիթար Արքանայր. 1724 Հոսով. 21 Յունուար):

ը.

Եւս բազում խռովութիւն գոյ այս դէհս, բնաւ ստոյգ զրոյց չգայ Կոստանդինուպօլսէ, մինչև ի Բաբելօն ճապախանայ և ասքառ կրուի միշտ թէ ծովով և թէ ցամաքով. ծովով նավքն կու

1. Ահմէա Գ. ի կայսրութեան ժամանակն է: